


四明叢書

張宗祥



見山樓詩集卷三

癸亥至庚午

清慈谿張翊儔麟洲箸

竹樵先生奉山左都轉之命邀余同行留別都中

諸友

卅年蹤跡半江湖僕僕風塵悔道途
詞賦不逢楊得意功名羞比阮元瑜
雲閒雨雪全家冷日下繁華舊夢孤
聚首無多離別易夜談猶是戀寒爐

五千里作一年遊東國輪蹄北泮舟
飽看名山來泰岱曾經滄海悟浮漚
男兒志氣酬弧矢太史文章笑馬牛

飄泊不禁行子感重闌已是雪盈頭

翩翩閒逐五陵豪歌管樓臺夜月高痛飲難消金鑿落
嬌喉齊唱鄭櫻桃兩行銀燭支殘漏十丈紅塵汚錦袍
忽地京華春夢醒長途車馬又勞勞

白馬河梁新落照緇衣京國舊啼痕本來作客重爲客
無計酬恩怕受恩半世浮萍悲蕩子一尊春酒餞王孫
故人情重行期迫未聽驪歌已斷魂

出都留別俞筱雲桂鑑湖雙湖昆季

西出都門路渺茫好風吹送一鞭忙連天衰草寒鴉黑

十里平沙落日黃河勢迴環仍北向雁飛撩亂自南翔
多君送我長亭外莫忘臨歧淚數行

征車謠

獨漉獨漉前驅後逐上阪遲下阪速

刺促刺促泥深水濁馬不敢後馬畏我僕

輾輾輾上者陵下者谷天昏月黑不得宿巨綆縛馬傷
馬腹吁嗟不如初生犢

黃村曉發

呖雞聲月色殘僕夫催送上征鞍五更風起檐鈴語

一夜霜高馬背寒
遊子何心甘獨客
家人猶是夢長安
隔窗兒女喁喁話
萬種鄉愁欲遣難

任邱旅館紀夢

環佩聲隨五夜風
兩邊愁思話怱怱
已拚地下成長別
又向天涯訪斷蓬
妝閣盡銷兵燹裏
荒墳都在戰爭中
覺來猶聽牽衣泣
門外驕嘶怨玉驄

十五日河閒道上憶留都諸友

戍樓突兀旌旗動
荒堠傾頽古木凋
風掃平隄車轍亂
雪融淺草馬蹄驕
驚砂刮面人先老
塊磊填胸酒不銷

卻羨京華行樂客滿街燈火滿城簫

趙北口

趙北燕南去路長七雄事業已茫茫鼓刀市上悲歌客
挾瑟邯鄲大道倡野水碧添三尺漲征衣涼襲五更霜
垂楊垂柳連橋路風景依稀似故鄉

禹城見柳

冰雪燕山尙作堆韶光驚見客中回迎人一路垂楊綠
春自南歸我北來

趵突泉

怒龍出空潭左右二龍子幻作三重泉懸空飛不止條
條練帶搖一一珠幃起崖石怒欲飛奔流激如駛曲折
赴澗行微波漾清泚濕紅潤岸花空青蕩洲芷名作立
如林殘碑字可紀名泉七十二此泉屈一指汲泉試一
烹芬芳流口齒吾鄉有虎跑風味猶遜此安得兩腋風
飄然歸故里摘取龍井芽來烹此泉水

寄題太白酒樓

謫仙樓上謫仙人引杯一醉三千春謫仙一醉不復醒
手翻白浪跨青鱗降生惜在唐天寶知己無過賀季真

我亦濟南狂醉客大明湖上采秋蘋

赴兗州渡汶河

一輛征車渡汶河聞聞蕭索困干戈
沿村壞壁紅泥盡帶劍行人白日多
野哭幾家收戰骨荒田何處覓新禾
已聞上將收淮北忍使哀鴻澤畔歌

盩陽題壁

茅舍亭亭落日低野田又見麥芽齊
東風示我春將老故遣楊花逐馬蹄

一宵風雨杏花殘冒冷依然上玉鞍
卻憶香閨春夢醒

重衾猶怯五更寒

抵兗州營

時竹樵都轉奉
旨督兗州軍務

落日芳隄獻玉驄
入門長揖見元戎
霜圍錦帳刀光白
雲壓重城繡影紅
筆底淋漓揮露布
酒邊嗚咽唱扶風
舊時舊劍從軍願
豈爲封侯始立功

賊逼兗州紀事

時僧耶未至寧陽久困前粵
撫黃石琴先生乞兵救援

虜騎縱橫走朔風
狼煙直逼魯王宮
鄰封師乞黃江夏
淮上軍須郭令公
鵲鵲陣開雲氣紫
鵬鵬膏拭劍光紅
勤勞賴慰宵衣苦
汗馬寧忘舊日功

時徵傳提
軍未至

收復嶧山軍中夜宴徹曙卽席賦贈

狂寇新看殄，嶧陽戟門春。冷夜飛觴千軍待，令迎晨露

萬馬無聲立。曉霜守隘卽今留，臥虎

已委滕副戎守山

當門猶

見伺貪狼。遙憐泗水城邊路，還是烽煙逼曙光。

時賊尙據泗水

題竹樵壽春留別詩後

南郡空倉勢不支，一書痛哭上丹墀。謫歸豈是先皇意

氣盡臨淮十萬師

留別詩歌紀昔年壽春山色慘寒煙大難此日爲廉吏

歸去曾無二頃田

今年有詔起東山未許裴公竟養閒一沐新恩重下淚
鼎湖龍去幾時還

東園師干寄老臣魚鹽瑣屑更勞薪旁人不信身心瘁
阮瑀曾爲入幕賓

登杜甫臺

卽兗州城樓

南樓一角尙巍然未肯高情讓謫仙泰岱羣峯羅眼底
登萊數點落尊前至今古意留名樹

山上有古意亭

當日詩王

尙少年得與澆花堂並峙表揚終賴後人賢

鄧文端建祠於上

無題和竹樵

冰雪由來本性真有緣脩到女兒身嬌姿原不禁羅綺
絕世何須借笑顰妝罷閒窗親繡佛譜成通國拜鉞神
東家阿母心相許道是瑤臺第一人

待嫁東風爲底遲縷金衣唱杜秋詩不關鳩鳥媒無益
未肯蛾眉樣入時梔子奩開花褪色牡丹屏掩雨成絲
人閒未必無情種蕉萃容顏勉自持

海棠夢醒鬢慵梳無那傷春病未除俊眼枉拋張一妹
琴心難得馬相如玉釵敲斷期猶遠金屋妝成願總虛
舊日垂髫諸女伴陌頭送盡七香車

瑤箱疊損嫁衣裳春到蓬門草自芳不惜三年窺宋玉
終無一紙感蕭郎羅襟浣得前番淚脂盞拋殘此日香
何似天寒脩竹裏素衣還我儉梳妝

得家書賦呈竹樵

時祖母逝世
兄病增劇

駁親書到促還鄉喪亂連年劇可傷自覺上書慚季子
更堪多病有元方滿頭霜雪愁烏鳥徧地關山怯虎狼
幾度欲歸歸未得枕邊終夜淚成行

壽陽孫養雲

振麟

以詩贈別賦此奉酬

六月辭江南四月發濟北一身一年一萬里舟行畏海

車畏陸平生不解事遺遊茲何爲者傷僕僕一昨明州
飛妖烽室廬灰燼田園空一家老幼各奔走十生九死
干戈叢飢來驅我不得留策馬聊作長安遊不第敢謂
文字厄入幕還使英雄羞燕趙齊魯古名勝欲登泰岱
吞河流邯鄲道上豈無俠少年爲我悲歌擊劍一洗胸
中愁遊俠少年不可逢下帷且作號秋蟲知心幸有韓
荊州論文復得孫興公君家住皖水相去幾千里寇氛
催使四方走高堂白髮違甘旨一樣風塵落拓人同病
相憐看吾子何意昨日來家書大母終堂伯兄姐重嚴

年老竟誰侍行將膏車秣馬歸故園感君臨別贈我詩
一束情真語摯不忍讀杜宇歷歷號春木哀猿聲鳴
巴蜀君送我歸憫我行路難摩天無翼翔黃鵠我今必
故鄉道路阻且畏地北與天南遙遙各一方嗟此蘇李
情分手悲河梁側聞狂寇重披猖已踰淮潁窺壽陽時
苗逆南魚不來音信絕一家無定清淮旁君亦行止未
復可卜清宵涕淚沾衣裳憂來頓覺天地小生不逢辰苦
潦倒君詩慰我我慰君相對真如蠹集蓼古人亦有言
憂思令人老同是作客身胡不善自保天涯地角見有

時勿復煩憂中懷抱

留別陳養珊司馬

奏勳

腰閒霜氣拂吳鉤十載追隨定遠侯
歲月漸消征馬足功名總薄爛羊頭
雨中春樹鳬山綠馬上寒雲濟水流
臨別更申重到約與君鴻雪話南樓

再別養雲

相逢已恨十年遲聚首無多更可悲
送客忙於春去日別情濃到酒闌時
疲驂偃蹇經荒壘斷雁飛鳴向水湄
同作人間淪落客羨君兄弟是生離

謂令兄倬雲先生

去兗州再宿盩陽驛

題壁詩猶在上頭
盩陽已是兩番遊
荒涼禾黍流亡後
破碎城垣戰伐秋
銷恨須拚千日醉
壓裝空賸十年愁
故鄉親友如相問
爲報征人去兗州

旅店題壁和楚邱蕉鹿子韻

客路風高撲面沙
停車小坐野人家
道旁一帶靡蕪綠
更覺傷心故里花

晏城卽目

樹頭啼老子
規聲覓宿時
時間客程一縷鞭
絲遙指處